

**PRAVILNIK
O DOPUNI PRAVILNIKA O NAČINU VRŠENJA
MONITORINGA KVALITETA ZRAKA I DEFINIRANJU
VRSTA ZAGAĐUJUĆIH MATERIJIA, GRANIČNIH
VRIJEDNOSTI I DRUGIH STANDARDA KVALITETA
ZRAKA**

Član 1.

U članu 21. Pravilnika o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH", broj 1/12) iza stava (2) dodaje se novi stav (3) koji glasi:

"(3) Informacija o stanju kvaliteta zraka i izmjerenim koncentracijama u standardnim mjernim jedinicama ("mikrogrami", "miligrami", "ppm", "ppb") se može prezentovati i putem interneta u realnom vremenu, a ukoliko je moguće informacija se može dati i opisno kako bi se rezultati mjerenja prezentovali na način razumljiv javnosti. U tu svrhu koristiti se Indeks kvaliteta zraka kojeg izrađuje Federalni hidrometeorološki zavod."
Dosadašnji stav (3) postaje stav (4).

Član 2.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 04-02/23-1238/15-1/19

15. jula 2019. godine

Sarajevo

Ministrica
Dr. **Edita Đapo**, s. r.

Temeljem članka 27. stavak (2) Zakona o zaštiti zraka ("Službene novine Federacije BiH", br. 33/03 i 4/10), federalni ministar okoliša i turizma donosi

**PRAVILNIK
O DOPUNI PRAVILNIKA O NAČINU VRŠENJA
MONITORINGA KVALITETA ZRAKA I DEFINIRANJU
VRSTA ZAGAĐUJUĆIH MATERIJIA, GRANIČNIH
VRIJEDNOSTI I DRUGIH STANDARDA KVALITETA
ZRAKA**

Članak 1.

U članku 21. Pravilnika o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH", broj 1/12) iza stavka (2) dodaje se novi stavak (3) koji glasi:

"(3) Informacija o stanju kvaliteta zraka i izmjerenim koncentracijama u standardnim mjernim jedinicama ("mikrogrami", "miligrami", "ppm", "ppb") se može prezentovati i putem interneta u realnom vremenu, a ukoliko je moguće informacija se može dati i opisno kako bi se rezultati mjerenja prezentovali na način razumljiv javnosti. U tu svrhu koristiti se Indeks kvaliteta zraka kojeg izrađuje Federalni hidrometeorološki zavod."
Dosadašnji stavak (3) postaje stavak (4).

Članak 2.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 04-02/23-1238/15-1/19

15. srpnja 2019. godine

Sarajevo

Ministrica
Dr. **Edita Đapo**, v. r.

**AGENCIJA ZA BANKARSTVO
FEDERACIJE BOSNE I HERCEGOVINE**

988

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 75/17), člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj 03/18) i čl. 27., 28., 80., 81. i 95. Zakona o bankama ("Službene novine Federacije BiH", broj 27/17), Upravni odbor Agencije za bankarstvo Federacije Bosne i Hercegovine, na sjednici održanoj 10.07.2019. godine, donosi

**ODLUKU
O IZMJENAMA I DOPUNAMA ODLUKE O
IZRAČUNAVANJU KAPITALA BANKE**

Član 1.

(1) U Odluci o izračunavanju kapitala banke ("Službene novine Federacije BiH", broj 81/17) član 2. stav (1) tačka b) mijenja se i glasi:

"b) **Akumulirana ostala sveobuhvatna dobit** - ima isto značenje kao i u međunarodnim računovodstvenim standardima, isključujući revalorizacije rezerve po osnovu nekretnina, postrojenja, opreme i nematerijalne imovine, a prilikom izračunavanja regulatornog kapitala iskazuje se jednako kao u finansijskim izvještajima banke, umanjeno za povezane porezne efekte".

(2) U stavu (1) tačka cc) iza riječi "**Neovisni procjenitelj**" dodaju se riječi "**(interni ili eksterni)**":

(3) Stav (1) tačka ll) mijenja se i glasi:

"ll) **Izloženosti u statusu neizmirenja obaveza** - izloženosti za koje je ispunjen jedan ili oba od sljedećih uslova:

- 1) dužnik kasni sa otplatom dospjelih obaveza prema banci duže od 90 dana u materijalno značajnom iznosu. Pod materijalno značajnim iznosom podrazumijevaju se ukupna dospjela potraživanja od:
 - fizičkog lica u iznosu većem od 200 KM i 1% ukupne bilansne izloženosti dužnika,
 - pravnog lica u iznosu većem od 1.000 KM i 1% ukupne bilansne izloženosti dužnika;
- 2) banka smatra izvjesnim da dužnik neće u potpunosti izmiriti svoje obaveze prema banci, njenom matičnom društvu ili bilo kojem od njenih zavisnih društava pravnog lica ne uzimajući u obzir mogućnost naplate iz kolaterala (engl. Unlikelihood to pay - UTP).

Banka utvrđuje status neizmirenja obaveza za pravna lica na nivou ukupnih potraživanja od tog lica. Izuzetno, u slučaju izloženosti prema fizičkim licima, banka može utvrđivati status neizmirenja obaveza na nivou pojedinačne izloženosti, a ne na nivou ukupnih potraživanja banke od tog lica. Pri tome, ukoliko bruto knjigovodstvena vrijednost izloženosti prema fizičkom licu u statusu neizmirenja obaveza prelazi 20% ukupne bruto knjigovodstvene vrijednosti izloženosti prema tom fizičkom licu, smatra se da je nastupio status neizmirenja obaveza po svim izloženostima prema tom licu."

(4) Stav (1) tačka oo) mijenja se i glasi:

"oo) **Ispravka vrijednosti za kreditni rizik** - iznos knjigovodstveno evidentiranih očekivanih kreditnih gubitaka".